



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მირდატი

მირდატი, ქართლის მეფე 398–399. ფარნავაზიანთა სამეფო სახლის, ბაქარიანთა შტოს წარმომადგენელი. „მეფეთა ცხოვრების“ ავტორის ცნობით, მ. იყო „კაცი ქველი, მხედარი შემმართველი... უშიში ღმრთისა... არა მსახურა ღმერთსა, არცა აღაშენა ეკლესია, არცარა მატა შენებულთა“. იგი კლარჯეთისათვის ებრძოდა ბერძნებს (რომაელებს), ხოლო სპარსელებს (ირანელებს) ხარკს არ აძლევდა. ირანის სამეფო კარზე არსებული ოცნლიანი არეულობის შემდეგ, 399 ტახტზე ასული იეზდიგერდ I-ის მიერ გამოგზავნილ დიდ ლაშქარს მ. „მცირედითა სპითა მიეგება“. გარდაბანთან ბრძოლაში ქართველები დამარცხდნენ. მ. ირანელებმა დაატყვევეს. მტერმა „დაიპყრო ქართლი და განრყვნა ეკლესიანი“. სამეფო ოჯახი და სვიმონ ქართლის ეპისკოპოსი კახეთის ხევში გაიხიზნენ. სასანიანებმა ქართლში მეფობა გააუქმეს (სამი წელი უმეფობა იყო). მ. გარდაიცვალა ტყვეობაში.

მ. საქართვე. მართლმადიდებელმა ეკლესიამ წმინდანად შერაცხა და წმინდა მონაშე მირდატ მეფე უწოდა. ხსენების დღეა 8(21) ივლისი.

წყარო: ლეონტი მროველი, ცხოვრება ქართველთა მეფეთა, წგ.: ქართლის ცხოვრება, ტ. 1, თბ., 1955.

ლიტ.: გოილაძე ვ., ფარნავაზიანთა სახლის ქრისტიან მეფეთა ქრონოლოგია, თბ., 1990; ქართველ წმინდანთა ცხოვრება, თბ. – ათენი, 2003.